



Universitätsbibliothek Paderborn

**R. P. Sebastiani Henrici Penzingeri, Consistorialis
Passaviensis, Decani, & Parochi in Trauttmansdorff ad
Laitam Bonus Ordo Triplicis Formatæ Concionis Moralis In
Omnia Festa Sanctorum In Amplissima ...**

Penzinger, Sebastian Heinrich

Solisbaci, 1698

Concio Tertia. Textus: Eris potestatem habens supra decem civitates.
Thema: Mansuetis, favet Deus.

[urn:nbn:de:hbz:466:1-51763](#)

IN FESTO SANCTI LEO-
POLDI.

CONCIO TERTIA.

Euge serve bone, & fidelis Sc. eris potestatem ha- Textus
bens supra decem civitates: Lucæ 19.

Mansuetis, ac mitibus, favet Deus.

Thema.

Scripsi, ac prophani Authores experientia didicerunt, Exordium.
 columbam carere felle, unde Lemma subscripse-
 runt: *Viscera felle carent: Hominis mansueti, ac be-
 nigni hæc imago est, qui in imperando, regendo, in-
 struendo, suavis, affabilis, blandus, ac mitis est, qua-
 lis fuit S. Leopoldus, qui adeò mansuetus, benignus, ac mitis
 fuit erga subditos suos, ut communi nomine sanctum hunc Prin-
 cipem, non suum Ducebant, sed suum Parentem vocarent; hinc
 DEO & mundo tam charus, & acceptus, immortalibus laudi-
 bus celebratur; hæc in Virtute, mansuetudine inquam, S. Leo-
 poldum sequentes, DEI, ac hominum favorem experiemur.*

Assumptum Sacra Scripturæ probo: *Mansueti autem hære-* Textus Sacre
ditabant terram, & delectabantur, in multitudine pacis. Psalm. Scripture.

36. Propter mansuetudinem &c. deducet te mirabiliter dex-
 tera tua. canit David Ps. 44. & iterum Psal. 146. Suscipi-
 ens mansuetos, diligit mansuetos; & Psal. 149. Exaltavit
 mansuetos in salutem. Mansuetorum semper tibi placuit depre-
 catio. inquit Judith. cap. 9. & Christus ipse asserit Matth.

5. Beati mites, quoniam ipsi possidebunt terram. S. Patres au- Patres.
 diamus: *Tantum est mansuetudinis robur, ut sola hec virtus*
sufficiat se colentem diligenter, ineffabilibus laudibus efferre,

Pars II.

(Aaa)

omni

S. Chrysostomus. *omni hominum generi præferre.* Scribit S. Chrysostomus hom. 35. & in illud Psalmi 136. Suscipiens mansuetos Dominus: Non dixit opem ferens mansuetis, sed quod est longe major, scipiens, quid autem suscipiens? recreans, fovens, bajulans, & velut mater in ulnis gestans, hoc audiant mansueti, & letentur. *S. Basilius.* Maxima omnium virtutum est mansuetudo, eaque in beatitudinem numero relata est. perorat S. Basilius in Psal. 33. Beatus & verè felicissimus vir ille est, qui mansuetus est; loquitur S. Ephrem. in vita & virtut. Consolatè S. Ambrosius in Psal. 33. Meritò mansueti terram possidebunt, in quibus Deus ipse requiescit, sicut divino per Iosiam resultavit oraculo, dicens: Sicut quem requiescam, nisi super humilem, & quietum. Et iecum lib. 2. officiorum. cap. 7. Qui semper in honore manet, si in Cassiodorus. est tranquillus animus, eum quoque serenissimus commentus aspectus. Cassiodorus lib. 8. ep. 14. Hoc est Indorum sagittarum præceptum, Principem quo natura sublimior sit, eo se in Nicephorus. maniorem præbuerit inferioribus, charissimum populo futurus. Scribit Nicephorus historia Byzant. lib. 6. Concludo cum Augustino Serm. 20. de tempore: Qui clementer ignoscere poteribus novit, clementiam divina pietatis certissime accipit. Popularis & grata est omnibus bonitas, nihilque quod tantum illabatur humanis mentibus; ea si mansuetudine morum, auctoritate animi, & affabilitate sermonis, verborum honore, modestiaque adjuvetur gratia, incredibile est, quantum procedit a cumulum dilectionis. Imploratâ S. Spiritus gratia deliquerit. Conceptus audiamus.

CONCEPTUS I.

Confirmatio. Favorem, quem DEUS David exhibuit, quis est qui latenter deprendit, & explicet? puero tantam tribuit fortitudinem, ut etiam validissimum Gigantem prosternere, devincere valeret; pastorculum in generosum eveyexit militem, imo in militum Duxit.

Ducem & Capitaneum, è milite planè exaltavit in Regem, ac terra Principem, qua virtute meruit David tantum Dei favorem? nominat virtutem meritoriam exindè in sè magnos DEI favores collatos, lib. 2. Regum cap: 22. *Mansuetudo mea multiplicavit me: id est glossatur Abulensis, quæst. 5.* Propter mansuetudinem meam ego fui multiplicatus in bonis, mansuetudo est quadam qualitas reddens hominem dispositum ad communicationem quibuscumque. David erat mansuetus, & propter hoc multiplicabantur amici ejus, & desiderantes servire ei. Praclarè scribit Naxera in lib. 2. Regum cap. 22. Pacida mansuetudo, urbana comitas, comes benignitas, amicos multiplicat; humanus, ac mansuetus modus favorum divinorum efficit illicium, & laudabile incantamentum.

CONCEPTUS II.

Moyses adhuc in vitâ eximiis Dei favoribus ditatur, eligitur in Principem populi Israelitici, *Constitui te Deum Pharaonis.* Exod. cap. 3. Post mortem, gloriose illi transfigurationi in monte Thabor proximè astitit Moyses: *Et ecce apparuerunt illis Moyses & Elias, cum eo loquentes.* Matth. 17. Quæ qualitas in Moysi, quod summo favore, tam in vitâ, quam post mortem à Deo cumuletur: quod cunctis Sanctis, etiam Abraham, Isaac, & Jacob in videnda claritate filii Dei, preferatur? qualitas & meritoria virtus, tot divinorum favorum, est Moysis eximia Mansuetudo, *Erat vir mitissimus super omnes homines, qui morabantur in terra,* testatur lib. Num. cap. 12. Desuper S. Hieronymus ep. ad Theophil: *Dux ille Israelitici exercitii, inter omnes homines, quos terra tunc generavit, mansuetissime prædicatur, & ideo per eos annos obtinuit principatum.* Ergo Mansuetudo animi, favorum divinorum Philtrum, ac incantamentum dixeris.

(Aaa) 2

CON-

CONCEPTUS III.

Dilectus sponsæ labia, vittam coccineam dicit: verba ac sermones, quos profert, dulces ac melleos esse afferit; *Lata tua sicut vitta coccinea, & eloquium tuum dulce.* Canto. 4. Cur dulce eloquium, vittæ coccineæ comparatur? Dulce eloquium mansuetudinem mentis, humanitatem animi delineat; vitta coccinea, idem est quod funiculus purpureus: Ad Hugo ideo dulce eloquium, mansuetam mentem, humanitatem proditum animum funiculo comparat; ut sicuti fune nectuntur partes, sic DEUS suā gratiā, & favore, quasi adnectitur, junxit mansuetis, mitibus, ac humanis; ita cogitationem hanc subdit Gilibertus Serm. 24. *Ea labia, manuactorum inquam, ligant & rutilant.*

CONCEPTUS IV.

Librum intus & foris scriptum, signatum sigillis Septem. est Joannes, insuper audivit Angelum Dei suspirantem: *Quis dignus aperire librum, & solvere signacula ejus?* & nemo poterat, nequè in cælo, nequè in terra, nequè sub terram aperte librum nequè respicere. Apocalyp. cap. 5. De super comitatus Joannes inquit: *Et ego flebam multum, quoniam nemo dignus inventus est, aperire, & legere librum, & videre eum.* Tristem Sanctum Evangelistam consolatur vir senex: *Et quis de senioribus dixit mihi, ne fleveris, ecce vicit Leo de tribus Iuda, radix David aperire librum, & solvere septem signacula ejus.* Et vidi, & ecce in medio throni, & quatuor animalium, & in medio Seniorum Agnum stantem, tanquam uersum, &c. Et venit, & accepit de dextera sedentis in throno librum, & cum aperuisset librum, quatuor animalia, & 24 seculores ceciderunt coram Agno &c. dicentes: *dignus est accipere librum, & aperire signacula ejus.* &c. Liber hic est gratia Dei; dicit

dicit nunc quidem unus de Senioribus, quod Leo de tribu Iuda, qui est Christus JESUS, per passionem suam vicerit, & ista victoria promeruerit aperire librum gratiae, ipse tamen non aperuit, sed aperuit Agnus. *Vidi Agnum tanquam occisum & vent & accepit de dextera sedentis in throno librum, & cum aperuisset librum.* Si Leo vicit, cur Leo librum non aperit, signacula non solvit? sed librum aperit Agnus. Agnus Symbolum est mansuetudinis, inter omnes mitis. Leo Symbolum est potentie, fortitudinis, rigoris, & austoritatis, *Leo rugiet, quis non timebit?* Utrumque Christus Dominus est, inquit Richardus apud glossam, *Leo magnus per divinitatem, Agnus per mansuetudinem.* Et addit: *Leonem audivit in promissione, Agnum videt in executione.* Agnus librum aperit, Agnus signacula solvit; Agnus, qui est per mansuetudinem, librum gratiarum, & favorum Dei aperit, se dignum reddit beneficiorum, ac donorum divinorum; Agni mansueti tollunt signacula irae, & reserant arcivium gratiae. *Agnum videt in executione.*

CONCEPTUS V.

Sapientissimus Salomon magnificentum templum exstruxit ex lignis cedrinis; *Omnia cedrinis tabulis vestiebantur.* 3. Regum cap.6. Sola ostiola ad Sanctum Sanctorum, seu tabernaculum, fecit Salomon de lignis olivarum: *Et in ingresso oraculi fecit duo ostiola de lignis olivarum;* Item figuras varias curavit Salomon fieri ex auro mundissimo: *Nihil erat in templo, quod non auro tegeretur, sed & totum altare oraculi textit auro.* Exceptis duobus Cherubinis, qui proximi oraculo adstabant, fecit pariter ex lignis olivarum: *Et fecit in oraculo duos Cherubinos de ligno olivarum decem cubitorum altitudinis.* Cur recte introitus ad oraculum, & Cherubini proximi ad oraculum adstantes, de lignis olivarum fabricati sunt? Oleum lenit, & emollit durum, & hinc id, Symbolum est ergo oliva mansuetudinis, lenitatis, animi mollis, ac blandi: Ex lignis olivarum ergo sapientissimus fecit introitum ad oraculum ac Sanctum Sanctorum; ad indicandum: virtute mansuetudinis, lenitatis, ac mitis animi, pacem.

(Aaa) 3:

re


re introitum, & ingressum, ad oraculum favorum divinorum: Ex lignis olivarum fabricati sunt Cherubini, Spiritus illi orando proxime assistentes; in nostram doctrinam: Mansuetos, ac godes, ad thronum gratiae DEI esse primos & proximos: tali Christo Matth. 5. Beati mites.

CONCEPTUS VI.

Jacob proficiscens in Mesopotamiam: *Vidit in Iomia sicut iam stantem super terram, & cacumen illius tangens celum.* Angelos quoque DEI ascendentes & descendentes per eam, o Dominum innixum scalæ dicentem sibi, *Ego sum Dominus Deus. &c.* Et ero custos tuus quocunque perrexeris: Genes. 28. Qui explicet hunc Dei favorem: Jacob è Mesopotamia redeuntem, ha favor divinus renovatur, & iteratur: *Fueruntque ei obviam angelorum Dei: Deus ipse: Benedixit ei in eodem loco:* Genes. 32. Qu merita Jacobi tantorum favorum? fuisse mansuetudinem est storia patet: Innocens licet sit Jacob, ultrò tamen cedit im Esau, servum agit in terris exteris, ut dominari valeat filius bonis paternis, an non hæc insignis lenitas, & mansuetudo dux Jacob, licet jam divino oraculo decretum fuerit, quia major serviet minori. Esau serviat Jacob: ultrò tamen Jacob pedes Esau se servum humilem abjicit, non fratrem, sed dominum suum Esau intitulat; ac veneratur: *Ut invenirem gloriam coram Domino meo,* Genes. 33. O insignis mansuetudo. H Jacobo clavis fuit cœlum referans; meritum fuit tantorum favorum. Quām verè Eccles. cap. 6. *Verbum dulce multiplicaverit beneficium, nam ille inter ceteros palmam perfectam obtinet, qui ad vicem veneni pocula dulci melle componit.*

Hortor ergo cum Eccles. cap. 3. *In mansuetudine seru animam tuam, & perfice opera tua, & super minimum gloriam diligeris.*

Amen.



IN FESTO